



欧阳鹤(北京)

洪泽采风

洪泽湖长堤

洪水频来祸未成，长堤此处是长城。
长城御敌今为史，犹见长堤护众生。

鹧鸪天·老子山

万绿千黄抢入眸，秋光一路到瀛洲。
风摇老子山头树，浪拍淮河水上游。
碑塔古，洞天幽。温汤滋润更悠悠。
千年胜地如重塑，定比仙源胜一筹。

望湖楼即兴

长堤笼翠玉湖秋，人上高楼月上钩。
十万鱼龙潜水底，一群鸥鹭宿洲头。
渔舟唱晚帆归急，诗客抒怀韵自稠。
无限风光看不尽，此身疑已在杭州^①。
注①：杭州西湖边有著名的望湖楼。

钟振振(江苏·南京)

雁门关

北戒山河一链横，雁门高阁压长城。
国除秦楚谁勍敌，世不汉唐休远征。
马阻单于南下牧，牛安六郡雨中耕。
千年事逐秋鸿去，壮气犹飞百尺甍。

悬空村

拔地千丈岭，悬空三户村。
云中叫鸡犬，木末走羊豚。
守拙今犹古，安贫祖若孙。
足疲徒仰止，恨不扣柴门。

邓世广(新疆·乌鲁木齐)

鹧鸪天·冰城三阁

似慰髫年未了情，半江灯火半江星。
魂萦四纪庄生梦，酒化三巡玉井冰。
逢旧雨，缔新盟，丁香社里记微名。
太阳岛上留新句，鸿雁啼时不

忍听。

一路风尘一路情，萧晨戴月晚披星。秋分曾沐江南雨，寒露初逢北国冰。惊雁字，记鸥盟，浮生未敢淡浮名。声声珍重归途远，唱彻阳关对酒听。

珍重临歧儿女情，相看多半发星星。分襟宿醉难消酒，蹑屐晨征待饮冰。期后会，误前盟，发财榜上未题名。榆关揖别乡音少，北调南腔已惯听。

注：与外甥、外甥女数十年未晤，此番重见俱垂垂老矣。

李葆国(北京)

王官峪瀑布

神自天然水自长，藻衣叠作绿霓裳。千秋品论蕴生处，流出大唐诗一行。

舜帝广场夜

谁抖银河散庆云，万民同醉帝乡春。嫦娥不负去年约，来照团栾月一轮。

贺兰山岩画

水浸风撕剑石寒，采榛岩上印斑斑。千秋星月传心语，霜迹休教作画看。

孙顺林(浙江·杭州)

竹海居

深居竹海中，享此补天功。伏夜卷丝被，黎明吹野风。荆扉无铁锁，蜗舍有陶公。满目青蓝白，飞霞几度红。

游宏村

牛腿马头墙，朱扉青石廊。塘边浣纱女，檐下读书郎。无字非房室，有联盈缥緲。沧桑蕴文化，古道客踟蹰。

浪淘沙·水葫芦

绿浪晓风多，笑语婆娑。骄娃总角戏江河。青髻随风摇岸柳，鸳鸭相过。急雨落云窝，频倒团荷。阳光一缕又高歌。湖海漂萍无寸土，占断烟波。

傅祖民(浙江·丽水)

规溪村寄兴

清流映碧绕村前，横跨长桥别有天。房舍向阳花木秀，田园沐露果蔬鲜。开基辅政思先哲，振业兴邦赖后贤。圆梦扬帆风浩荡，山乡富丽看来年。

胡业铭(广东·深圳)

深圳山海湾即兴

百鸟翩跹舞夕岚，千帆竞渡海柔酣。



弦歌林藪韵藏绿,醉卧沙滩梦染蓝。

凌大鑫(辽宁·鞍山)

过五女山一线天

我爱初秋五女山,金风送爽叶翩翩。
铁梯更比人梯稳,石路无如世路艰。
路到窄时心莫窄,梯逢宽处眼尤宽。
今朝来去悠闲走,一线天中更爱天。

王建国(上海)

游束圣剑寺

森森故垒隐重门,处处青苔处处魂。
夕照残垣影金壁,独凭碣石向黄昏。

游束埔寨布隆寺见墙生大树

断壁蝉鸣彻,闻蛇草木葱。
青云夺墙树,任客说遗宫。

李鸿楷(浙江·瑞安)

春雨中望聂耳铜塑像有感

春临南国雨丝频,为涤精魂血泪尘。
一曲壮歌惊世界,音旋长助后来人。

过束河茶马古道

阵阵驼铃酣古道,苍茫夕照艳孤村。
诗情此刻知何似?壑谷溪风雪浪奔。

李振平(吉林·农安)

西湖

美丽西湖展画屏,天光云影碧波盈。
荷撑绿伞鱼欢泳,柳画娥眉鸟唱晴,
虎跑梦泉添画意,云栖竹径蕴诗情。
几多游客相机举?巧舌娇莺道不清。

杨宏林(安徽·繁昌)

狮子山抒怀(词韵)

狮子山峰出自然,崎岖道路欲通天。
攀岩不觉惊藏险,登顶方知喜带欢。
放眼八方云灿烂,高歌一曲意缠绵。
山河锦绣霞千里,幸会诗朋留韵篇。

叶志深(浙江·丽水)

江南春·游千峡湖

波渺渺,峡弯弯。图开新渡口,舟荡旧村间。
鹤溪湖景三千色,远看云飞近看山。

康中柱(湖南·湘潭)

谒南京雨花台

车驱千里路,今上雨花台。
松在云中立,石从天外来。
碑高如振臂,草浅似含哀。
雄阁音容在,心呈酒一杯。

王跃农(甘肃·甘州)



玉带滩

两面涌涛波，金沙界海河。
椰风推碧浪，玉水伴蕉歌。

南天一柱

一柱天涯立正身，梳风舞浪倍精神。
鱼欺虾戏根基稳，镇海安疆自不群。

星 汉(新疆·乌鲁木齐)

癸巳秋再拜元好问墓

夕阳秋草又重寻，三十年来费苦吟。
笔下情怀长激荡，毂中人物已消沉。
系舟山色充天地，拒马河声变古今。
想必先生已知我，诗章从未负民心。

过忻口

一川草木哭秋风，抗日英魂谁计功。
为说当年齐赴死，残阳如血透天红。

癸巳秋登雁门关

路转秋风黄叶村，旌旗影里旧烽墩。
将军苦战威犹壮，骚客豪吟句尚温。
一道长城牵日月，几声征雁裂乾坤。
挥毫更向天山指，我抱清雄过玉门。

刘先森(北京)

虞美人·过虞姬墓冢寄怀

衰杨古柳霜风叶，汴水尤呜咽。
孤莹遗恨问沧桑，奈可柔情绮梦久回

肠？ 乌骓不逝天犹坠，轻搵英雄
泪。玉颜多有薄阳春，不效西施千古
著香魂。

杨学军(江苏·宿迁)

登第一山

谁借长绳捆大山，终成小径入云间。
欲藏雾里都梁事，让与东君半日闲。

高怀柱(山东·莘县)

六言小景(五首录三)

水底鱼儿睡醒，湖边柳树生芽。
一场春雨过后，红了桃花杏花。

杏花缭绕村烟，白鹭飞过稻田。
多少诗情渲染，芳菲铺到天边。

花朵飘香袭人，柳丝蘸水如线。
鸟儿对对飞来，飘落歌儿串串。

王善同(新疆·阜康)

天柱峰飞人

飞身雁荡下瑶台，漫度银河采药来。
石斛天生崖壁上，一猿百丈舞云开。

绕如意湖

一路荷声雨不闻，萧疏残叶梦三分。
来春许有团团碧，桥上观风五彩裙。



范理丁(广东·大埔)

登高台

千古风烟无限茫,杜鹃声里叹斜阳。
从来万事归三梦,片片飞花入大荒。

李文庆(上海)

春到九段沙(五首录二)

何处飘来碧绿纱?清风摇影海之涯。
司春仙子纤纤手,正绣东方都市花。

隐隐清歌出蜃楼,飘来仙境小瀛洲。
东方珠塔凝眸处,都市花园海上浮。

张忠梅(上海)

采风九段沙湿地,咏沙洲

东海滩头九段沙,烟笼雾锁接天涯。
莺飞草长迎朝日,雁落鱼沉送晚霞。
潮息潮兴堆锦绣,云舒云卷织芳华。
银轮穿浪轻轻渡,胜似仙乡八月槎。

李青葆(浙江·青田)

陈宅七星村感赋

一从北斗落陈村,地脉悠悠山色新。
芳草桃花映杨柳,平畴绿野悦春心。
双溪润物人文远,古道通幽风月亲。
大树龙根连两岸,几多才俊化星辰。

张聚卿(河南·南阳)

游鸭河口水库

巍峨大坝锁双川,无限风光耀玉寰。
浩瀚烟波腾碧浪,苍茫云雾隐青山。
息平水患千秋业,滋润农家万顷田。
四海宾朋心里爽,身临其景赛神仙。

谒张释之祠

宗臣遗像忆先贤,一代清官千古传。
翠柏凌云扞铁骨,苍松拔地出青天。
阶前草颌张公正,叶底莺鸣杨子廉。
华夏文明五千载,得民心者重于山。

注:杨子即杨震。

毕彩云(福建·晋江)

葫芦岛龙港茨山河

石桥风景接云天,水草萋萋笼夕烟。
曲水东流犹载梦,载风载雨载飞船。

苏幕遮·五里河畔

绿春波,青叶树,两岸飞花,翠鸟
轻轻舞。荡起涟漪风不语,芳草萋萋,
人在斜阳处。水环山,山避暑,
山水相依,任把真诚赋。赋得真情千
万缕,缕缕如丝,尽绕滨城路。

程秉綏(浙江·开化)

三访根博园



三访博园情本痴，只缘笔钝老踟蹰。
取材楫桡非庸活，醉眼朦胧誉大师。
罗汉化身嗔隐黠，雄鹰振翅疾还嘶。
神奇腐朽皆能变，巧夺天工便是诗。

蔡林琳(浙江·湖州)

忆五泄飞瀑

水激崖穿飞白练，山青不纽穷深渊。
划开嶂色珠如雨，突破云围瀑似烟。
一壑玉虹悬峭壁，三春银汉落潭边。
巨雷惊起醒人梦，恍入蓬莱巧遇仙。

张义和(北京)

泛舟湖上醉

平湖明月似杭州，沿岸梧桐掩画楼。
万国宫迎天下客，五洲人共木兰舟。
银河北斗依稀见，灯影波光梦幻游。
歌舞连台十里路，黄昏过后更风流。
注：“湖”即日内瓦湖，极美。“万国宫”即国际联盟旧址，联合国欧洲总部所在地。

方锡禄(浙江·杭州)

观潮二首

天下奇观八月潮，奔腾一线卷云霄。
雷声动地拍岸过，忽又回头吞二桥。

总是年年潮有信，我来江岸践相迎。
看客已如山海立，人潮更比海潮惊。

黄先常(江西·宜昌)

休闲胜地磨基山公园巡礼

泥土喷香踏陌阡，油然感悟食为天。
千畦禾壮稻粮熟，百圃苗肥桃李鲜。
情系三农陈展馆，意明四海少荒田。
乐园净土人恬泰，疑是桃源在眼前。

马苗林(浙江·临安)

秋游指南山

秋高气爽指南游，一鉴天池入醉眸。
穆穆赛山燃赤焰，明明碧水映洋楼。
层林迈步黄花灿，曲径迎风红叶稠。
更念莺声和月色，云川为枕梦悠悠。

郑德希(浙江·临安)

小雪翌日安吉山乡行

迢迢幽谷百川藏，怪石嶙峋接远荒。
翠竹青樟呈黛绿，榆钱银杏看金黄。
猕猴乞食缘随性，孔雀开屏试比装。
秋色斑斓无限好，夜怀锦岭梦萦长。

行香子·梦游指南山

气爽秋清，自驾登程。有佳约、书客同行。斑斓秀色，心系魂萦。看杏林黄，枫丛紫，竹梢青。树绕华庭，叶落云坪。锦峰里，碧水盈盈。山蔬佐酒，鱼鸭新烹。品诗中味，书中韵，画中情。

